

Sakspapir

Sakshandsamar	Arkiv	ArkivsakID
Anne Kristin Rafoss	FE-014	19/665

Saknr	Utval	Type	Dato
015/2019	Valnemnda	PS	11.11.2019
086/2019	Kommunestyret	PS	21.11.2019

Val av medlemmer til Utval for teknisk, miljø og landbruk for valbolken 2019 - 2023

Vedlegg:

Journalposttittel

Mandat for Utval for teknisk

Dato

08.11.2019

Rådmannen sitt framlegg til vedtak:

Utval for teknisk, miljø og landbruk er samansett slik:

.

Mandat for Utval for teknisk, miljø og landbruk vert vedteke slik det ligg føre.

Viltfagleg råd vert lagt ned.

Saksopplysningar:

Bakgrunn

Masfjorden kommunestyre oppretta Teknisk Utval i sak KS-76/12.

Masfjorden kommunestyre gjorde i sak KS-88/15 slikt vedtak:

Teknisk Utval bør oppretthaldast også i neste kommunestyreperiode 2015 – 2019 med følgjande endringar og fornying:

- *Private reguleringsplanar bør overførast til formannskapet*
- *Høyringssaker knytt til miljø, tekniske saker og landbruk må gå til Teknisk Utval*
- *Møte må formaliserast meir med fast møter, og TU må gjerast meir kjent for innbyggjarane*
- *TU bør få nytt namn: Utval for teknisk, miljø og landbruk*
- *Eige fast sekretariat til TU og arbeidet rundt møteinnkallinga må formaliserast meir med kontaktmøte mellom leiar og administrasjon*
- *Rådmannen peiker ut fagresurs i høve til saksfelt*

Vedtaket vart gjort etter at det var gjennomført ei evaluering av korleis Teknisk Utval hadde fungert frå dei vart oppretta i 2012.

Utval for teknisk, miljø og landbruk er å sjå på som eit fast utval og reglane i kommunelova § 7-2 gjeld for val til dette utvalet.

Fakta

Kommunelova § 5-7 slår fast at kommunestyret sjølv kan opprette utval for kommunale formål. Kommunestyret vel sjølv leiar, nestleiar, medlemmer og varamedlemmer til slike utval

Det er ikkje gjort vedtak på å oppretthalde Utval for teknisk, miljø og landbruk for valbolken 2019 - 2023.

Det vart i kommunestyret den 10.12.15 som sak KS-141/2015 gjort følgande vedtak:

Oppgåva med å velje medlem til Viltfagrådet vert delegert til Teknisk Utval.

Dette er ikkje gjort.

Vurdering

Rådmannen tolkar i utgangpunktet vedtaket KS-88/15 slik at ein skulle ha evaluert arbeidet og mandatet til Utval for teknisk, miljø og landbruk i løpet av kommunestyreperioden 2015 – 2019. Rådmannen meiner at det er uheldig at dette ikkje er gjort.

Basert på signala frå politisk hald etter kommunestyrevalet 2019, forstår rådmannen at det er ønskje om å oppretthalde Utval for teknisk, miljø og landbruk fram til kommunestyret sjølv vel å legge det ned (jf kommunelova § 5-7, 5-ledd).

Rådmannen har difor utarbeidd eit mandat for Utval for teknisk, miljø og landbruk basert på vedtaka i sak KS-88/12 (då Teknisk Utval vart oppretta) og evalueringa av utvalet i sak KS-88/15 (der Teknisk Utval skifta namn til Utval for teknisk, miljø og landbruk). Rådmannen har og lagt det fagområdet som høyrde til Viltfagrådet inn under oppgåver til Utval for teknisk, miljø og landbruk. Av dette føl at viltfagrådet vert lagt ned.

Rådmannen minner om at utvalet sjølv kan initiere ei evaluering av mandat og oppgåver lagt til Utval for teknisk, miljø og landbruk i valperioden.

Konklusjon

Rådmannen rår til at kommunestyret vel fem medlemmer med varamedlemmer til Utval for teknisk, miljø og utval for valbolken 2019 – 2023. Rådmannen rår vidare til at mandatet for Utval for teknisk, miljø og landbruk blir vedteke slik det ligg føre. Rådmannen rår og til at Viltfagrådet vert lagt ned.

Valnemnda - 015/2019

VA - behandling:

Leiar i valnemnda Geir Egil Haugsvær (Sp) la fra forslag om at Utval for teknisk, miljø og landbruk for valbolken 2019 - 2023 vert sett saman slik:

leiar: Stian Søyvik (Sp)

nestleiar: Ørjan Daae (FrP)

medlemmer: Atle Nordland (H), Lillian Andvik (KrF) og Britt Inger Myhr (Ap)

varamedlemmer: 1. John Torsvik (H), 2. Laila Furebotn (Sp), 3. Arne Hindenes (H), 4. Sigmund Rørvik (Sp) og 5. Ingvill Molland (Ap)

Framlegg til vedtak vart samrøystes tilrådd til kommunestyret.

VA - vedtak:

Utval for teknisk, miljø og landbruk er samansett slik:

leiar: Stian Søyvik (Sp)

nestleiar: Ørjan Daae (FrP)

medlem: Atle Nordland (H)

medlem: Lillian Andvik (KrF)

medlem: Britt Inger Myhr (Ap)

vara:

1. John Torsvik
2. Laila Furebotn
3. Arne Hindenes
4. Sigmund Rørvik
5. Ingvill Molland

Mandat for Utval for teknisk, miljø og landbruk vert vedteke slik det ligg føre.

Viltfagleg råd vert lagt ned.

Kommunestyret - 086/2019

KS - behandling:

Leiar i valnemnda Geir Egil Haugsvær (Sp) ba om at Utval for teknisk, miljø og landbruk var valt som forholdstalsval og las opp forslag til medlemmer i Utval for teknisk, miljø og landbruk og varamedlemmer i prioritert rekkefølge. Det vart ikkje lagt fram andre lister. Lista vart godkjent og det vart delt ut røystesetel lik framlegg til vedtak frå valnemnda.

Erlend Kvamsdal (H) sette fram framlegg om at siste setning i framlegg til vedtak frå valnemnda går ut.

Røysting:

Oppteljinga viste 17 røystesetlar med framlegget frå valnemnda.

Framlegg til vedtak frå valnemnda med unnatak av siste punkt vart samrøystes vedteke.

KS - vedtak:

Utval for teknisk, miljø og landbruk er samansett slik:

leiar: Stian Søyvik (Sp)

nestleiar: Ørjan Daae (FrP)

medlem: Atle Nordland (H)

medlem: Lillian Andvik (KrF)

medlem: Britt Inger Myhr (Ap)

vara:

1. John Torsvik
2. Laila Furebotn
3. Arne Hindenes
4. Sigmund Rørvik
5. Ingvill Molland

Mandat for Utval for teknisk, miljø og landbruk vert vedteke slik det ligg føre.